

DOLARRAREN ALDEAN INOIZKO BALIO TXIKIENA IRITSI ZUEN ATZO EUROPAKO DIBISAK

Euroaren gainbeherak EBZ interes tasak igotzera behar dezake gaur

■ Europako Banku Zentralak euroaren truke ofiziala atzo 0,9193 dolarretan eta 97,850 yenetan ezarri zuen

■ Adituen ustez, EBZk gaur egingo duen bileran interes tasak puntu laurden igoko ditu, %3,75eraino

■ Euroaren ahuleziaren ondorioz, une honetan, dolar batek 7,10 libera edo 180 pezeta balio ditu



BERND KAMMERER / AP

Europako Banku Zentralaren egoitza nagusia, Frankfurt, angelu nahiko esanguratsu batetik hartutako argazkian.

Erredakzioa / Donostia

SORTU zenetik, urte eta lau hilabete eskasetan, euroak dolarrarekiko trukean bere balioaren %21 galdu du. Dolarrari aurre egiteko diru sendo bezala aurkeztu zen Europako dibisak ez ditu bere garai onenak bizi. Atzo, berriz ere, dolarrarekiko eta yenarekiko trukean inoizko balio txikiak iritsi zituen. 1999 urteko azken egunetan «bilete berdearekiko» parekotasuna (euro 1=dolar 1) galdu zuenetik, euroaren eremuko diru bakarrak beherantzko ibilbide etengabearekin jarraitu du. Gauzak horrela, EBZk berak atzo ezarritako truke ofizialean euroak 0,9193 dolarretako balioa hartu zuen. Yenarekiko ere ez dabil oso indartsu euroa. Une honetan truke ofiziala 97,85 yenetakoa bada ere, truke ez ofizialean ere inoizko apalen dabil, New Yorken 96,93 kotizatu baitzuen atzo.

Batetik, Estatu Batuetako

Euroaren trukearen bilakaera

Azken urteak



Azken hilabeteak



ekonomiaren sekulako sendotasunak egin dio kalte euroari. Baina bestetik, Europako Banku Zentralaren inguruko inbertsioek duten konfiantza faltak ere izan du eraginik ditu bazarren kotizazioan. Behin baino gehiagotan leporatu zaio EBZri neurrik ez duela hartu bere dituen atzerrikoe-kiko duen balioa gero eta ahulago zegoela ikusterakoa. EBZko lehendakariaren eta beste hainbat agintari europarren adierazpenetan,

beti lelo bera errepikatu da gaur arte, Europako ekonomia ondo doala, eta lasai egoteko, euroa indartuko dela atzera.

Hala ere, oraingoan, aditu gehienak ados daude Europako Banku Zentralak interes tasak igoko dituela esaterakoan. Euro eremuko moneta politika zuzentzen duen erakundeak, gainera, beste arrazoi indartsu bat izan lezake Europako dibisaren interes tasak igotzeko: inflazioa. EBZk berak azken

aldian aitortu bezala, euroaren eremuan prezioen egonkortasunaren gaineko arriskuak asko dira, eta ez luke gehiegi lagunduko inportazioak gehiago garestitzeak euroa dela eta.

EBZk gaur bilera du, eta baliteke interes tasak igotzeko erabakia hartzea, nahiz eta ustekabe bat emateko gauza den. Aditu gehienek puntu laurdeneko (%0,25) igoera espero dute. Igoera horrekin, euroaren interes tasa %3,75ean kokatuko da.

Deien tarifak merkatzeko eskatu dio Bruselak Telefonicari

■ Bezeroen beharretara egokitutako tarifa aldakorrak proposatu dizkio

Efe / Brusela

EUROPAKO Lehiarako komisario Mario Montik telefono deien prezioak merkatzea proposatu dio Telefonica konpainiari. Haren ustez, konpainia honek abonoen prezioak igo eta bezeroen beharretara egokitutako tarifa aldakorren sistema ezarri beharko luke.

Monti Espainiako, Italiako eta Alemaniako gobernuetara zuzendu zaie, lurralde hauetako telefono maneiatazaila nagusien prezioak jaisteko neurriak har ditzaten eskatzeko. Komisarioaren ustez, «prezio garesti hauek abono kuota merkeegiak kontsartzeko erabiltzen dira».

Horren helburua telekomunikazio enpresa lehiakideen jardura eragozteko dela uste du Europako Batzordeak, eta horregatik, «prezioak orekatzeko» eskakizuna egin die hiru lurralde horietako telefono konpainia nagusiei.

Cementos Lemonak %55 gehitu ditu irabaziaz lehen hiru hilabeteetan

Erredakzioa / Bilbo

CEMENTOS LEMONA euskal enpresak 481 milioi pezeta irabazi ditu aurtengo lehenengo hiru hilabeteetan, %55 gehiago iazko epealdi berarekin alderatuta. Zementu enpresaren negozio bolumentea 2.902 milioi pezetara heldu da, eta kopuru hori %65,5 handiagoa izan da iazkoaren aldean.

Lemonak guztira 162.688 tona zementu eta clinker saldu zituen urtariletik martxora, %1,3 gehiago, baina salmentaren hazkunde nabarmena Espainiako merkatuan erdietsi du, non %36,1 gehitu baititu salmentak.

Enpresak maiatzaren 24an egingo du akziodunen biltzarra, eta bertan akzio bost pezetako dibidendua ordaintzea proposatuko da.